

L'ESSOR

faso kumakan

02.13

Banki kura fila dayèlèla Bamakò



Ibarahima BA "BDM" kuntigiba

"BDM" Bubakari Sidibe

Mali yèrè tògôla wari marayôrô min bë wele "BDM", o ye banki kura dayèlè min tògôdara ciyakèda in baarakèla kôrô dô la n'o ye Bubakari SIDIBE ye ala ye min ka kalifa min a la, k'a to baara sen kam.

Banki in dayèlèli nyènajè kera zanwuye kalo tile 25, an ka jamana sôrô n'a baara fèerèw bolodali minisiri Umaru Kulu bali ka nyèmôgôya kôrô. Pariti nyefèmôgô caman tun bë kène kan ani gofèrènama moggow ni depitew.

Banki kura in dayèlèla walasa ka lafiya don ciyakèda in bolofara ka baara la min nyèsinnen don wokisi sinimaso ma. Maliden minnu bë jamana wèrèw la olu fana yamaruyalen don k'u ka nafolow lasagon warimaralaw kana tigè u la.

An balima minnu bë tunga fè, olu bë se ka warimaralaw kura in fè, k'u niyôrô lase fasojo baara la.


Faso wari marayôrôba in kuntigi, n'o ye Ibarahimi BA ye, o y'a jira k'u ye fèerè siri ciyakèda in jènsenni la jama na kôrô. O siratigè de la dô jôra an ka maraw galoduguw bëe kôrô ani kucala ni nyono; sôni dô bëna jô nyoro.

Bolofara dô fana dayèlèla Fari, Faransi galodugu la. U hakili b'a la k'ô dôwèrèw dayèlè Afiriki jarana kôrô.

Ibarahimi BA ko u ka bolofara in dayèlèli bëenna ni banki kuraw sigili ye sen kan an ka jamana kôrô. Nka tògô kôrô min b'olu la; u n'u seko damajira k'ô miñen fa. U n'u jija walasa warimaralaw kana tigè u la.

Bamakô mara kuntigi, gofèrènèri Musa KEYITA ye kuma ta o kô, k'a jira ko banki in jôra a jötura la, k'ô sababu bô an ka galodugu moggow cayali la, minnu ka waati ka gèlén u ma kôsèbè bawo u ka konjew ka ca. A ko warimarayôrô kura in têna fô u ka dêmè la. U h'a ka bila Ta sanga ni waati bëe..

An balima maliden minnu be baara la Faransi, olu ka jekulu kuntigi dankan, Boro DUKURE ko u bë k'u seko damajira k'ô "BDM" nafa jira u ka tondenuw na bawo jamanadew bëe ka kan faso wari marayôrô in na.



Isimayila KANUTE "BMCD" kuntigiba

"BMCD" Daramani Jakite

Faransi ni Mali jelen bë banki minna, n'a tògô "BMCD" o ye bolofara kura dayèlè bamakô, k'a tògôda a kuntigi kôrô Daramani JAKITE la. Bolofara in dayèlèli nyènajè kera alamisa don, zanwuye kalo tile 27. A nyemoggôya tun bë an ka kungo nafaw yiriwali minisiri Madi JALO bolo, an ka sôrô ni jamana baara fèerèw bolodali minisiri nôna, min tun taara haju wèrè la. Pariti nyefètôn ani gofèrènama moggow tun bë nyènajè kène in kan ani depitew ni moggoba caman wèrèw.

Mali ma kôkan jago siratigè la tuma min gèlèya tun b'an ka jarana kôrô. An bë min fara o kan, aw k'a dô "BMCD" ye mali izinitigi kenyèrèyew dêmè kôsèbè nafoloko sira kan. A ma to kô faso baaraba caman waleyalii la, i n'a fô Selenge babili dilanni ani seware ni gawo cè sira ni malosènè yorow labènni. Nyinan u ka dêmè bëna sinsi juruw kan ka nyèsin baarakè minènw sôrôli ma ani sènè yiriwali ani jamanadew magonyèfèn gèlènw ladonni jama kôrô ani baganw feereli kô fè jamanaw kônc.

KANUTE y'a jira tugun k'u bë gofèrènama ka bila la faso sôrô n'a hadamadenya walew lawèrèli baaraw la. A y'a ka jèmukan kuncè ni foli ni walenyumandône ye ka nyèsin mali ma ani faransi wari marayôrôba min bë Liyôn du gu kôrô, an ka jamana fila ka jekabaara kôson.

Liyôn wari marayôrô ciden Piyéri Lafinèri fana ye kuma ta k'a jira ko faransi ni mali jé banki in kera sababu ye, k'a nyôgônanaw sigi sen kan Sennegali, Kodiware, Gabon ani Afiriki jama na wèrèw kôrô.

A ko afiriki ni faransi ka bolodinyôgônanma bankiko siratigè la, a ju bôra "BMCD" de fôlo la, n'o bë mali la. A jigi b'a la k'a fô banki in na tugu a kuntigi kôrô Daramani JAKITE ka sira bôlen na.

Banki in kuntigi kôrô Daramani JAKITE yèrè ye dakurunyè filalase jama ma. A ye foli k'è a bonyabagawa la, k'u walenyumandône ka janiya nyuman in na ka nyèsin a ma. A

ye dugawu don warimarayôrô in ka nyè sôrô a ka walew bëe la.

banabatòw ka donba seli kòrò tè nyènajè dòròn ye

San o san, don kelen bë sugandi k'o kè banabagatòw ka don ye, n'u bë wele tugun ko bagitòw wali kunatòw. Nyinan, san 1983 ta kèra kari don, zanwuye kalo tile 30 u furakèyòrò la, jikòrònin, pere-sidan Musa TARAWELE ani mali nyèmogò tòw ni lasigidenw nyèna.

Don sugandilen in, n'o ye hakilijakabò ani dèmè don ye kaa banabagatòw ma, o nyènajèw bë kè mali kònò cogo min na, a bë kè dinyè yòrò bë kònò e cogo kelen na.

A sababu bòra Rawulu FOLERO de la, n'o y'u kanubaga n'u dèmèbaga nyuman ye, min y'a ka dinyèlatigè bëe lajèlen kè banabagatòw lakanali la sira bëe kan.

Ale de fòlò ye mó-gò ja farinya kuna-tòw ni bagitòw nyè, k'a ka nafolo bée don u ka furako n'u ka hadamadenya kèco go la u kènèyalen kò.

Ale de fòlò ye dònnikèlaw ni dògò-tòròw bila sira, bana-fura lakika só-réli la, ka tila ka dinyè fan bëe taama banabagatòw ladonni-cogo nyuman na.

Ale de fòlò y'a jira ko banaba, kuna wali bagi ye bana ye min ni bana tòw bëe ye kelen, min bë se ka kènèya, k'a ban, wa n'a tè yèlèma mó-gò wèrè fè i n'a fò sògòsògòninjè n'a nyègònnaw.

An bë waati min na sisan, fèn o fèn bë kè banabagatòw ye dinyè fan bëe kònò, o sababu bòra Rawulu FOLERO de la, a n'a tògò diman n'a nkan-nya nyuman.

A ka cèsiri kòsòn banabagatòw ladonni dusu donna bëe kònò. A ko yiriwara ka se hakè la, min tèmèna a yèrè ka miirinata kan kabini a daminè tuma.

Banabagatò furakè-yòròw, sirabaw ani kènèbaw ni yòrò caman tògòdara Rawulu FOLERO la, dugu caman ani jamana caman kònò. Mali yèrè dòròn kònò siraba kelen; nyènajè jèkulu ani nansara buru fiyè jèkulu dòw tògò-dalen b'a la, minnu lataamabagaw caman

ye banabagatòw yèrèw ye.

Jèkuluw sigira yòrò caman minnu ka baara tè dòwèrè ye banabagatòw ka don sugandilen nyènajèw labènni kò.

O de siratigè la, n'a don sera, san o san, jamana nyèmogòw labènni jèkulu kofòlen in nyèmogòw ani lasigidenw ni jamanadenw caman, i n'a fò banabagatòw kanubagaw, olu bë nyègòw sòrò kènè kelen kan, k'u hakilibò bana dimi kò ni nyènajèw ye ani ladiyalifèn caman.

Mògò minnu ye kuma ta kérè in kan, k'a ta minisiri NGole TARAWELE la, ka se Ali SISE ma, n'o y'a tòn nyèmogò fòlò ye Mali kònò, fò kan'a bila banabagatòw yèrèw ka ciden na, olu kelen kelen bëe da sera Rawulu FOLERO ka baara nafa ma di-nyè kònò.

O siratigè la, kumala caman y'a jira k'a fatura, nka a ka miiri n'a ka wale nyumanw tè don bògò la habada k'a d'u kòrò girinya kan, minnu dogolen tè kènèbagatòw la, sanko banabagatòw yèrèw.

Ni mògò min y'i miiri kunatòw kècogo la, k'u lanògòcogo ye, k'u ka sègen ja-teminè baloko ni sa-niyako siratigè la, i b'a dòn, k'a faamuya ko kòrò wèrè b'u ka don sugandilen na ni nyènajè dòròn tè.

Nyènajè b'u hakilibò bana dimi kò waati kunkurun dòròn de kònò. N'o tèmèna k'a ban, sègen ani manyumako b'u gèrè, k'u sigi u nò na. O de kòsòn, Minisiri NGole TARAWELE y'a jira ko kunatòw dèmèli man kan ka dan don sugandilen in dòròn ma.

Nyègòndèmè ani hadamadenya siratigè la, Mali kònò, Mali min ye silamè jamana ye, kunatò fara banabagatò wèrèw kan, olu ladonni, u dusu nyagalili ni ladiyalifèn ye, minnu bë se ka wele ko "sarakà", o man kan ka kè baara gèlèn ye.

Hinè barika bonyè ka kan k'an kelen kelen bëe wajibiyia o walew kèli la, hali ni Jikòrònin yòrò ka jan.

